



**Desiderius. Dialogvs Vere Pius, & Comprimis Iucundus, De
Expedita Ad Dei Amorem Via**

Comalada, Miguel

Elvaci, 1685

Cap. XIII. Ut Desiderium Dei, in Domini cubiculum Desiderium introduxerit,
& de orandi modo.

[urn:nbn:de:hbz:466:1-60062](https://nbn-resolving.de/urn:nbn:de:hbz:466:1-60062)

Ut Desiderium DEI, in Domini
cubiculum Desiderium intro-
duxerit, & de orandi
modo.

CAPUT XIII.

DESIDERIUS. Unum adhuc te rogatum velim , quando jam me in hujus domûs habitatorem admittere non recusâsti , ut ad Dominum meum me perducas , quò illius consequi notitiam , & manus exosculari liceat. DESID. DEI. Nihil moror , quin ita fiat , perge igitur mecum. Jamq; Desiderius tremere cœpit , pensitans cum tantæ Majestatis Rege in ejus cubiculo sibi colloquendum esse , atque coram illò assistendum , adeoque ingenti est metu & angore correptus , ut nec posset , nec auderet Dominum accedere , redditumque meditaretur. Sed è diverso mente pertractans , Regem hunc

hunc tam suavem, nobilem, amicabilem, cunctisque benignum & affabilem esse, recepit animum, sola Regis benignitate confisus. Jussit autem illum DEI Desiderium ad fores subsistere, dicens, se visumabiturum, quid Dominus ageret, indicaturumque illi, ipsum ei colloqui velle. Porro Desiderius adhuc anxiis aestuabat cogitationibus, quidnam Domino diceret. Deinde Desiderium Dei illum accersiens, Veni, ait, Desideri. Jam enim Domino, te adesse, significavi. Ingredere intrò: ego hic ad fores præstolabor. Tum verò Desiderius multa cum reverentia cœpit per aulam ingredi: moxque ut Dominum vidi, cecidit pronus in terram, lachrymas fundens, nec caput aut oculos levare ausus. Non enim menti illius exciderat, quantus olim Domini sui hostis fuisset, quot eum injuriis & contumeliis affecisset, quam male & indignè de illo loquitus esset. Itaq;

ho-

horum contemplatione nihil eloqui,
sed plorare tantum & ingemiscere
noverat, attendens illi se adesse infi-
nitæ bonitati, quam sic offenderat.
D O M I N U S. Quid hoc sibi vult?
quid h̄ic agis? Nihilne loqueris? Sur-
ge, & die, quid velis. **D E S I D.**
Ecquid coram tua Majestate, Domi-
ne, effari possim? Nimirum planè
indignus sum, spurcissimum os me-
um in conspectu tuo aperire: sine
me silere tantum & gemitus edere,
meamq; plorare iniquitatem. **D O M.**
Quamobrem igitur huc ingressus es?
D E S I D. Non ego huc ingressus sum,
mi Domine, quippe qui me neuti-
quam meritum sentio, tuis in adi-
bus demorari, multò minùs in tuum
intrare cubiculum. **D O M.** Quis
te igitur huc adduxit? **D E S I D.** Tu
ipse, mi Domine. Tu me traxisti,
tu clamare & invocare me fecisti, tu
mihi aditum patefieri, meque ad te
introduci jussisti. Evidem horum
causam, aut quid eò te permoverit,
vel

vel quorsum me indigeas , nescio.
Satis enim superque sufficere puto ,
si quis ejusmodi , ut sum ego , insi-
mus famulorum tuorum servus , atq;
domus tuæ mancipium sit : quan-
quam nec id quidem mereor , imo
id impetrare indignus sum. At nunc
quando ipse me vocasti , placetque ,
ut apud te maneam , tecumque col-
loquar , Tu , mi Domine , aperi la-
bia mea , & doce me , quid coram
te proloqui debeam. Insere mihi
spiritum timoris & reverentiae , ne
tua per me lñdatur aut offendatur
Majestas , vel indignè à me colatur ,
neque deinceps tam viliter & contu-
meliosè à tam improbo peccatore ,
qualem me agnosco , tractetur. Si-
quidem id magnâ tui vacare injuriâ
non posset. Mallem sanè ipse me
perimere , quam ad tuam injuriam ,
contemptum & ignominiam tibi assi-
stere. Hoc ipso namque cunctis
Angelis & Archangelis , & omni
cælorum exercitui , qui tanta cum

reve-



reverentia & fervore te amant, tibi serviunt, teque honorant, ingen-
tem contumeliam & injuriam esse
illaturus. Dic ergo, mi Domine,
quid me proferre vel agere oporteat.
Totum namque me tuis permitto
manibus, totumque me tibi offero.
Præsta mihi, Domine, humilitatis
spiritum, quo tibi, Domuique tuæ
& filiis tuis ita, ut oportet, servi-
am, placeatque tibi famulatus meus,
Tuque, mi Domine, in me hono-
re & gloriâ afficiaris.

*Ut Dominus Desiderio optimas
tradiderit sese benegerendi
institutiones & ca-
nonem.*

CAPUT XIV.

SUrge jam & pone formidinem.
Modò posthac probus & integer,
& qualem te decet, esse velis, om-
nis